




## CONVENIO DE COLABORACIÓN PARA A INCORPORACIÓN DO CONSELLO CONSULTIVO DE GALICIA AO SISTEMA AUTONÓMICO DE PRESTACIÓNS HOMOLOGADAS DE CONTRATACIÓN CENTRALIZADA DA XUNTA DE GALICIA

En Santiago de Compostela, 18 de decembro de 2019

### REUNIDOS:



Dunha parte, don Alfonso Rueda Valenzuela, vicepresidente e conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Doutra parte, don José Luis Costa Pillado, na súa condición de presidente do Consello Consultivo de Galicia, nomeado polo Decreto 93/2014, do 23 de xullo, actuando en nome e representación do Consello Consultivo de Galicia, en virtude das facultades que lle confire o artigo 18.1 da Lei 3/2014, do 24 de abril, do Consello Consultivo de Galicia, e o artigo 13 do Decreto 91/2015, do 18 de xuño, polo que se aproba o regulamento de organización e funcionamento do Consello Consultivo de Galicia.

Ámbalas dúas partes recoñécense competencia e capacidade, respectivamente, para formalizar o presente convenio de colaboración para a incorporación ao sistema autonómico de prestacións homologadas de contratación centralizada da Xunta de Galicia.

En virtude do anterior,

### EXPOÑEN

- I. O artigo 20.2 da Lei 14/2013, do 26 de decembro, de racionalización do sector público autonómico, sinala que o Consello da Xunta creará unha comisión interdepartamental que determinará, no ámbito da Administración Xeral da Comunidade Autónoma e do seu sector público, as subministracións, obras, servizos e calquera outra prestación que, polo seu carácter común, se poidan contratar de forma xeral e con características esencialmente homoxéneas para os diferentes órganos e organismos.
- II. O Consello da Xunta celebrado o 20 de febreiro de 2014, acordou a creación dunha comisión interdepartamental que, entre as súas funcións, asumiu elaborar a proposta deste catálogo único, que integre os de todos os órganos da administración xeral e do sector público autonómico.
- III. O Consello da Xunta celebrado o 18 de setembro de 2014 acordou a aprobación do catálogo de medios e prestacións que serán susceptibles de contratación centralizada. O anexo II do citado acordo establece como departamento encargado da contratación a Vicepresidencia e Consellería de Presidencia, Administracións Públicas e Xustiza para algunha das prestacións incluídas no mesmo.



- IV. O artigo 20.5 da Lei 14/2013, do 26 de decembro, establece que as entidades locais, universidades e os restantes entes, organismos e entidades do sector público poderán adherirse ao sistema autonómico de prestacións homologadas de contratación centralizada mediante os oportunos convenios de colaboración.  
No mesmo senso, o artigo 228.3 da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, contempla a posibilidade de que as entidades do sector público se adhiran aos sistemas de contratación centralizada establecidos polas Comunidades Autónomas mediante a formalización do correspondente acordo.
- V. O Consello Consultivo de Galicia, creado pola Lei 9/1995, do 10 de novembro, e regulado na actualidade pola Lei 3/2014, do 24 de abril, é o supremo órgano consultivo da Xunta de Galicia e das administracións públicas da Comunidade Autónoma de Galicia, e actúa con independencia respecto de calquera órgano e, en garantía dela, goza de autonomía orgánica e funcional.
- VI. Tendo en conta as vantaxes asociadas á incorporación a un sistema de contratación centralizada (obtención de economías de escala e redución de custes administrativos, fundamentalmente), o Consello Consultivo de Galicia solicita a súa adhesión ao sistema de contratación centralizada da Xunta de Galicia nos termos que se establecen no presente convenio.

En consecuencia, as persoas asinantes acordan subscribir o presente convenio de colaboración de conformidade ás seguintes

## CLÁUSULAS

### Primeira.- OBXECTO

O presente convenio ten por obxecto establecer as bases e condicións mediante as que o Consello Consultivo de Galicia se incorpora ao sistema de contratación centralizada da Xunta de Galicia.

A adhesión concreta do Consello Consultivo de Galicia aos distintos contratos licitados polo sistema de contratación centralizada da Xunta de Galicia producirase mediante a remisión polo Consello Consultivo de Galicia da solicitude específica contida no Anexo I, na que se identificará o contrato obxecto da adhesión.

### Segunda.- DESENVOLVEMENTO DA COLABORACIÓN ENTRE AS PARTES

I.1. Obrigas da Vicepresidencia e Consellería de Presidencia, Administracións Públicas e Xustiza

I.1.1. A Vicepresidencia e Consellería de Presidencia, Administracións Públicas e Xustiza manterá informado ao Consello Consultivo de Galicia das licitacións que proxecte realizar polo sistema de contratación centralizada, así como das adxudicacións realizadas e os termos dos contratos subscritos coas empresas adxudicatarias.

A información a que se refire o apartado anterior será subministrada, aos órganos indicados polo Consello Consultivo de Galicia, ao correspondente enderezo electrónico.





I.1.2. Unha vez remita o Consello Consultivo de Galicia a solicitude específica de adhesión a un contrato licitado polo sistema de contratación centralizada da Xunta de Galicia (Anexo I), a Vicepresidencia e Consellería de Presidencia, Administracións Públicas e Xustiza comunicará ao Consello Consultivo de Galicia os termos concretos do contrato suscrito coa empresa adxudicataria, a data de comezo dos efectos da adhesión ao contrato, así como o resto dos datos precisos para garantir a eficacia da adhesión.

I.2. Obrigas do Consello Consultivo de Galicia, unha vez realizada a adhesión concreta a un contrato obxecto de contratación centralizada:

- I.2.1. Poñer en coñecemento da Vicepresidencia e Consellería de Presidencia, Administracións Públicas e Xustiza os defectos na prestación do servizo para a adopción das medidas oportunas.
- I.2.2. Cumprir con todas as obrigas e condicións establecidas no contrato centralizado.
- I.2.3. Efectuar a recepción dos servizos prestados, que deberán coincidir coas características e prezos que se establezan no contrato centralizado.
- I.2.4. O Consello Consultivo de Galicia deberá facerse cargo do abono do prezo e das posibles revisións que se fará efectivo conforme as previsións establecidas na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, no caso de contratos cuxo prezo se determina en función de prezos unitarios.

Noutro caso, deberá ingresar na conta aberta a nome do Tesouro da Xunta de Galicia, os importes que lle correspondan para o financiamento dos contratos de acordo co coeficiente de participación determinado en función da superficie que ocupan que lle será comunicado pola Vicepresidencia e Consellería de Presidencia, Administracións Públicas e Xustiza ao comezo de cada exercicio.

### Terceira.- COMISIÓN DE SEGUIMIENTO

Para facilitar o seguimento e cumprimento do convenio, constituirase unha Comisión Mixta, integrada por dous representantes de cada unha das partes asinantes do Convenio.

A comisión poderá ditar as súas propias normas de funcionamento, debéndose reunir cando así o solicite algunha das partes. As súas funcións serán:

- Proposta, de ser o caso, de addendas
- Coordinación das funcións de ambas as dúas partes asinantes do convenio
- Calquera outras relacionadas co desenvolvemento deste convenio





## Cuarta.- VIXENCIA

O presente convenio de adhesión ao sistema de contratación centralizada da Xunta de Galicia ten unha vixencia de catro anos, sen prexuízo da posibilidade de prorrogalo polo tempo que as partes estimen conveniente.

A perda de vixencia do presente convenio non afectará á vixencia das adhesións realizadas á contratos concretos polo Consello Consultivo de Galicia, nas que a vixencia da adhesión coincidirá con o período de vixencia do contrato. Agora ben, no caso de perda de vixencia do convenio, soamente se manterá a adhesión do Consello Consultivo de Galicia ao contrato en caso de prórroga se o Consello presta o seu previo consentimento expreso.

Entenderanse subsumidos no presente convenio, aqueles outros que formen parte do sistema autonómico de prestacións homologadas de contratación centralizada da Xunta de Galicia, celebrados entre as partes asinantes

Finalmente, será causa de resolución do convenio o mutuo acordo de ambas partes ou o incumprimento grave das obrigas sinaladas neste convenio por algunha das partes.

## Quinta.- RESOLUCIÓN DE LITIXIOS

A resolución de controversias e conflitos sobre a interpretación e execución do presente convenio de adhesión deberán resolverse, de mutuo acordo das partes, no seno da Comisión de Seguimento. As cuestións litixiosas que poidan formularse respecto da aplicación, interpretación e cumprimento deste convenio serán competencia do orde xurisdiccional contencioso-administrativo.

## Sexta.- PUBLICIDADE

As partes asinantes do convenio manifestan o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados no Portal da Transparencia e Goberno Aberto.

As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), coa Lei orgánica 3/2018, de 5 de decembro, de protección de datos persoais e garantía dos dereitos dixitais, así como coas demais disposicións vixentes sobre a materia.

E, en proba de conformidade o asinan por duplicado exemplar, os intervinientes no lugar e data sinalados no encabezamento.

O vicepresidente e conselleiro de Presidencia,  
Administracións Públicas e Xustiza

Alfonso Rueda Valenzuela

O presidente do Consello Consultivo de Galicia

Jose Luis Costa Pillado



ANEXO I

**Solicitud específica de adhesión a un contrato licitado polo sistema de contratación centralizada da Xunta de Galicia**

Don José Luis Costa Pillado, Presidente do Consello Consultivo de Galicia, nomeado polo Decreto 93/2014, do 23 de xullo, actuando en nome e representación do Consello Consultivo de Galicia, en virtude das facultades que lle confire o artigo 18.1 da Lei 3/2014, do 24 de abril, do Consello Consultivo de Galicia, e o artigo 13 do Decreto 91/2015, do 18 de xuño, polo que se aproba o regulamento de organización e funcionamento do Consello Consultivo de Galicia, e tralo acordo do Pleno do Consello Consultivo de Galicia, adoptado por unanimidade en sesión do XX de novembro de 2019,

SOLICITA

A adhesión do Consello Consultivo de Galicia ao contrato ..... licitado polo sistema de contratación centralizada da Xunta de Galicia.

Santiago de Compostela, ... de .... de ....

O Presidente

P.D. O Secretario Xeral (Resolución 10.10.2018)

José Ángel Oreiro Romar